

أوعي تفكر

أوعي تفكر أني هفضل
هيجي يوم وهمشي
وحياتي بدونك
مش هتتعطل
عادي.. هبدأ من تاني
بعيد عن قلب أناني
هفرد جناحي وأطير
ما أنا بطلت عليك أغير
دى البدايه وانت تايه
مش داري
أنى خلاص أخذت قراري
بعد موت ورودي
عرفت معاك حدودي
وحدودك بنتها
بيني وبينك
وكمأن أنا بدعينك
ربنا علي نفسك يعينك
هارحل بعيد فياريت
تنساني

تنسي شكلي واسمى
و مكاني
هأرحل ومش ندمانه
حفظت الدرس
ومش غلطانه
عصرت السكر ف قلبي
وأما دوقته لقيته مر
وسرقت مني حبي
وأخيرا قلبي أصبح حر
دلوقتي فوقت
من أيامك و خداعك
وبعيد انا سافرت
عن عشقك وكل
ألم منك انا شلت
طفيت نور شمسك
ف عيوني
واتحققت فيك
كل ظنوني
وخرجت من طريق ظلمك
خلاص مابقتش أحبك